



CONGREGATIO PRO DOCTRINA FIDEI

+ DEB  
15.09.2018

Prot. N. 470/2012

*Sancti Iacobi in Chile*  
(Chile)

D.nus Cristián PRECHT BAÑADOS

Summus Pontifex FRANCISCUS, Papa

Die 12 m. Septembris a. 2018

audita relatione Em.mi Praefecti huius Congregationis circa gravem agendi rationem supradicti presbyteri Sancti Iacobi in Chile in patrando delicta graviora, praemissis praemittendis, suprema atque inappellabili decisione nullique recursui obnoxia,

DECREVIT

**dimissionem dicto presbytero irrogandam esse ex officio et pro bono Ecclesiae.  
Eidem presbytero etiam dispensationem concedit  
ab omnibus oneribus sacrae Ordinationi conexas  
iuxta sequentes rationes:**

1. Dimissio ac dispensatio vim habent ab ipso momento decisionis Romani Pontificis.
2. Dimissionis ac dispensationis Decretum presbytero a competenti Ordinario loci notificetur, cui numquam fas est duo illa elementa seiungere. Idemque insuper secumfert absolutionem a censuris, quatenus opus sit.
3. Notitia dimissionis ac dispensationis adnotetur in Libris baptizatorum parociae praedicti presbyteri.
4. Quod attinet, si casus ferat, ad celebrationem canonici matrimonii, applicandae sunt normae quae in Codice Iuris Canonici statuuntur. Ordinarius vero curet ut res caute peragantur sine exteriori apparatu.
5. Auctoritas ecclesiastica, cui spectat Decretum praefato sacerdoti notificare, hunc enixe hortetur, ut vitam Populi Dei, ratione congruendi cum nova eius vivendi condicione, participet, aedificationem praestet et ita probum Ecclesiae filium se exhibeat. Simul autem eidem notum faciat ea quae sequuntur:



CONCORDAT CUM ORIGINALI  
Curiae Archidiocesis  
Sancti Iacobi in Chile, die .....

21 DIC 2018

- a) *Presbyter dimissus eo ipso amittit iura statui clericali propria, dignitates et officia ecclesiastica; ceteris obligationibus cum statu clericali conexis non amplius adstringitur;*
- b) *Exclusus manet ab exercitio sacri ministerii, iis exceptis de quibus in can. 976 et 986 § 2 CJC ac propterea nequit homiliam habere, nec potest officium gerere directivum in ambitu pastorali neve munere administratoris paroecialis fungi;*
- c) *Item nullum munus absolvere potest in Seminariis et in Institutis aequiparatis. In aliis Institutis studiorum gradus superioris, quae quocumque modo dependent ab Auctoritate ecclesiastica, munere directivo vel officio docendi fungi nequit;*
- d) *In aliis vero Institutis studiorum gradus superioris ab Auctoritate ecclesiastica non dependentibus nullam theologiam disciplinam tradere potest;*
- e) *In Institutis autem studiorum gradus inferioris dependentibus ab Auctoritate ecclesiastica, munere directivo vel officio docendi fungi nequit. Eadem lege tenetur presbyter dimissus ac dispensatus in tradenda Religione in Institutis eiusdem generis non dependentibus ab Auctoritate ecclesiastica.*

6. Ordinarius curet, quantum fieri potest, ne nova condicio presbyteri dimissi fidelibus scandalum praebeat. Attamen Ordinarius potest factum dimissionis necnon causam canonicam divulgare.


7. Notificatio dimissionis et dispensationis fieri potest vel personaliter per notarium aut ecclesiasticum actuarium vel per «epistulas perscriptas» (*carta certificada*). Sacerdos dimissus unum exemplar restituere debet rite subsignatum ad fidem receptionis eiusdem dimissionis ac dispensationis ac simul etiam praeceptorum, quod si non faciat integer manet effectus huius Decreti.

8. Tempore autem opportuno, Ordinarius competens breviter ad Congregationem de peracta notificatione referat, et si qua tandem fidelium admiratio adsit, prudenti explicatione provideat.


Contrariis quibuscumque minime obstantibus.

Ex Aedibus Congregationis, die 14 m. Septembris a. 2018

  
Aloisius Franciscus Card. Ladaria, S.I.  
Praefectus

  
✠ Iacobus MORANDI  
Archiep. titularis Caeretanus  
Secretarius

Dies notificationis 15. 09. 2018

  
Subsignatio Presbyteri in signum receptionis

  
Subsignatio Ordinarii

*Promesa de guardar secreto de los Presb.*



CONCORDAT CUM ORIGINALI  
Curiae Archidocesis  
Sancti Iacobi in Chile, die.....

21 DIC 2018

